

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i Budžeta Zeničko-dobojskog kantona za 2016. godinu („Službene novine Zeničko-dobojskog kantona“, broj: 2/16 i 12/16), na prijedlog Ministarstva za privredu, Vlada Zeničko-dobojskog kantona, na 81. sjednici, održanoj 09.12.2016. godine, donosi

ODLUKU

o odobravanju finansijskih sredstava Regionalnoj razvojnoj agenciji za regiju Centralna BiH

Član 1. (Predmet)

Odobravaju se finansijska sredstva Regionalnoj razvojnoj agenciji za regiju Centralna BiH u iznosu od 22.500,00 KM (slovima: dvadesetdvijehiljadepetstotina konvertibilnih maraka), na ime troškova potrebnih za finansiranje redovnih obaveza i aktivnosti u IV kvartalu 2016. godine.

Član 2. (Ekonomski kod)

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2016. godinu, razdjel 18, budžetska organizacija 01, potrošačka jedinica 0001, ekonomski kod 614500, pozicija „Subvencije privatnim preduzećima i poduzetnicima“, IAX004 – Transfer za Regionalnu razvojnu agenciju (REZ), na žiro-račun broj: 1610550004760016 kod Raiffeisen bank d.d. BiH Filijala Zenica.

Član 3. (Realizacija sredstava)

Sredstva planirana Budžetom Zeničko-dobojskog kantona za namjene predviđene ovim aktom, realizovat će se isključivo u skladu sa procentom ostvarenja javnih prihoda u Budžet Kantona.

Član 4. (Obaveza korisnika sredstava)

Obavezuje se Regionalna razvojna agencija za regiju Centralna BiH da, po izradi finansijskih izvještaja za 2016. godinu, Ministarstvu za privredu dostavi izvještaj sa svim bitnim dokazima o utrošku odobrenih sredstava.

Član 5. (Provođenje Odluke)

Zadužuju se Ministarstvo za privredu i Ministarstvo finansija da realizuju ovu odluku svako u okviru svojih nadležnosti.

Član 6. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____ /16.

Datum, 09.12.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Regionalna razvojna agencija za Centralnu BiH-putem ministarstva,

1x Ministarstvo finansija,

1x «Službene novine Zeničko-dobojskog kantona»,

1x a/a.